



Metro **klassifieds**

HIAS RUMAH tanpa banyak berbelanja

PENGGUNA yang bijak adalah pengguna yang mengawal perbelanjaannya dan tidak boros menghabiskan wang untuk perkara-perkara yang tidak diperlukan. Namun begitu, kebanyakan daripada kita seolah-olah hilang kewarasan apabila kita mengeluarkan perbelanjaan untuk menghias rumah.



Kempen-kempen pemilikan rumah dijalankan secara meluas, dengan pilihan rumah yang lebih besar dan luas jika dibandingkan dengan masa dahulu. Dari rumah banglo ala sierra, kepada pangsapuri yang bertema, rumahrumah berkembar, 'town house', villa siber dan sebagainya. Pilihan rumah kita semakin tidak terhad dan bersama-sama dengannya timbul pula pilihan hiasan rumah.

• INI MENJERUMUSKAN KITA KE DALAM DILEMA - gaya lawan belanjawan, pilihan lawan wang tunai. Menyedari hakikat ini, Persatuan Keselamatan Pengguna Kuala Lumpur (PKPKL) ingin menyampaikan sedikit panduan kepada anda agar rumah anda tidak lompong dan kecek anda tidak kosong dalam menghias rumah.

Bukan apa, rumah yang cantik juga penting dalam membentuk persekitaran kehidupan yang baik. Ikuti panduan PKPKL seperti yang di bawah ini.

• PILIHAN - Apabila anda terdorong untuk membeli sesuatu barang, jangan membeli dengan serta-merta. Tidak dinafikan bahawa kita semua mempunyai citarasa yang berbeza-beza, tetapi biarkanlah diri anda berfikir seketika untuk melihat, mengkaji, dan menghargai gaya terbaru sebelum membuat keputusan, sekiranya perlu dan kenapa anda tidak sukakannya? Pada dasarnya mudah untuk berekonomi bagi sesetengah gaya dari yang lain.

Walaupun sesetengah barang individu yang dipilih adalah lebih mahal dari harga keluaran keseluruhan, akhirnya anda akan kurang berbelanja kerana anda hanya perlukan sedikit sahaja dari keseluruhan keluarannya

• FLEKSIBEL - Bayangkan jika anda boleh menyusun semula perabot-perabot di dalam bilik anda, malah dari satu bilik ke satu bilik yang lain mengikut apa dan bila sesuatu keperluan khas itu timbul, ianya akan dapat mengurangkan keperluan untuk memiliki barang-barang baru.

• BERFIKIRAN KREATIF - Satu cara yang ekonomi untuk menghasilkan

rumah yang cantik ialah dengan 'bermain' dengan warna cat. Dengan satu tin lima liter cat, berharga dari RM50 ke atas, anda boleh mengubah keseluruhan suasana, dan merasa dekat dengan sesuatu ruang di dalam rumah anda.

• HIJAU BUKAN SEKADAR WARNA -Tumbuh-tumbuhan merupakan satu lagi cara yang ekonomi untuk menambahkan warna dan titik-titik fokus dalam rumah anda. Tumbuh-tumbuhan juga bagus dari suatu segi yang lain, ianya hidup, dan dengan kehadirannya di dalam rumah (dan laman) dapat menyuburkan perasaan dalaman kita.

Sudah tentu anda perlu mengetahui sesuatu berkenaan tumbuh-tumbuhan tersebut sebelum meletakkannya di dalam rumah dan ia memerlukan cahaya matahari atau samada ia beracun (terutama sekali dengan adanya jari-jari kecil anak-anak anda yang bersifat ingin tahu).

Maklumat-maklumat ini boleh diperolehi dari mana-mana pemilik kedai membekal barangan kebun yang berpengetahuan, ataupun dari rakan-rakan yang minat berkebun.

Sepertimana yang dapat anda lihat, memang terdapat beberapa cara yang membolehkan anda menjimatkan duit dalam menghias rumah, dan masih mampu mempunyai sebuah rumah yang memuaskan dari segi estetika dan selesa.

• MAKA, LUPAKAN PERATURAN - peraturan yang lama dan menyusahkan, dan terokailah ia. Perjalanan itu sendiri akan mampu memberikan waktu-waktu keseronokan dan pengetahuan kepada anda!

- Persatuan Keselamatan Pengguna Kuala Lumpur (PKPKL), PKPKL@hotmail.com



DI DALAM :
TEMPAHAN DAN CARIAN
DAPATKAN DI SINI!

AUTO
Kereta
Trak
Bas

NOTIS
Laporan
Kewangan
Tender
Notis Am

KLASIFIKASI AM
Perkhidmatan
Kecantikan
Kesihatan
perabot

HARTANAH
Rumah
Kedai

KERJAYA
Sepenuh masa
Separuh masa
Latihan
Skim Graduan

KERAJAAN
Laporan
Kewangan
Tender
Notis Umum

**LELONGAN/
GUAMAN**
Hartanah
Lelongan
Guaman

